

## La Fola Del Magalas

Mi-  
Quasta ché l'è na fola c'la pèrta ed la béssa  
Re  
l'è nèda in campagna fra al verd e al gris  
Mi-  
ades a v'la caunt in mod c'as capessa  
Re  
par ferev paura e mètrev d'avis  
Sol Re Mi-  
ste ateinti quand a vin sira a ander par la streda  
Si  
c'a'n gh'è mai nisun in gir  
Sol Re  
tot i megher, tot i gras  
Mi- Re Mi-  
i g'an pòra dal Magalas

Al Magalas l'è na béssa c'l'è neda in'Panera  
l'è longa se meter, quelch'd'un giva ot  
d'inveren la s'luga in mez a la giera  
ma in Merz la vin fora e i ein cas par tot  
chi l'ha vesta in curtil, chi in d'l aldamera  
chi in canteina tra vein e parsòt  
tot i zoven, tot i plèe  
ades i disen c'l'è turnèe

Sol Re Sol Sol Do Sol Re  
L'è negher com un cancher, l'è cativ e l'è arabii  
Mi- Si  
ed not a't selta in testa, a't magna i oc, a't magna i di  
Sol Re Sol Sol Do Sol Re  
l'è nascost in sema al graner, l'è là c'al t'aspeta in mez a i sas  
Mi- Si Re Mi-  
la ginta l'an dorem piò a seinter la fola dal Magalas

Fo acsé che un bel dé tot quant al vilag  
par pòra d'la béssa i v'liven scaper  
quelch d'un al proveva a fèes curag  
ma in dal meinter sercheva un sit par purtèr  
fiol e baioc, gat e cagnin, tàgi e tigin e fin tamaras  
tot a scaper in dal turioun par pòra dal Magalas!

In vatta a la tor ig steven tot quant  
imbianchein, cuntadein, sert e dutor  
sgnor, bariagoz, pret e cantant  
tot a brigher in cal sit sigur  
a avrir n'ustari, na scola, n'impiant  
negozi, buteghi e fin baladur  
tot i fùreb e i caion a strichères in dal turioun

Bè, la fola l'ariva a Sasol, a Vgnola  
a Cherp e Sulera, in tot al Mudnes  
la ginta la scapa, la sèra butega  
a's voda al stredi in tot i paes  
acsé quand a vin un quelch furester  
e al d'manda perché a'n gh'è nisun a spas  
deg "I ein tot nascost in di turioun  
par pòra dal Magalas!"

L'è negher com un cancher, l'è cativ e l'è arabii  
ed not a't selta in testa, a't magna i oc, a't magna i di  
l'è nascost in sema al graner, l'è là c'al t'aspeta in mez a i sas  
la ginta l'an dorem piò a seinter la fola dal Magalas